



Isak Johannessen,
Inatsisartunut Ilaasortaq, Naleraq

02-03-2026
Suliap normua 2026 - 780
All. normua. 235698710

§ 37 naapertorlugu apeqqummut nr. 2026-24-imut akissut

Postboks 1015
3900 Nuuk
Oq. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Inatsisartut suleriaasianni § 37, imm. 1 naapertorlugu Upernavimmi KNI Pilersuisoq A/S-imi nioqqutissat pillugit Naalakkersuisunut apeqqutit ataani allassimasut saqqummiuppatit.

Apeqqutigineqartut tullinnguuttuni akineqarput.

Apeqqut 1. Naalakkersuisut KNI Pilersuisup Upernavimmi pisiassat ikilisinnissaanik aalajangiinikuuppat? Taamaassimappat inuit nunaqartut periarfissai annikillisinneqarpa?

Akissut: Nioqqutissanik pilersuineq pillugu Naalakkersuisut ukiut tamaasa KNI A/S-imik sullissinissamik isumaqatigiissuteqartarput. Isumaqatigiissut aallaavigalugu KNI A/S najukkani arlaqaqisuni, Upernavik ilanngullugu, pilersuinissamik pisussaaffeqalersarpoq. Sullissinissamik isumaqatigiissummi najukkani imminut akilersinnaasumik pisiniarfeqarsinnaanngitsuni pisiniarfinnik ingerlatsinissamik isumaqatigiissuteqartoqartarpoq.

Sullissinissamik isumaqatigiissuterpiami ilanngussamik suliaqartoqarsimavoq Upernavimmi pisiniarfimmi nioqqutissat 340-t tunngaviusumik pisiarfeqarsinnaasussat nalunaarsorsimaffiannik. Tamatuma saniatigut pisiartut kissaataat tunineqartartullu aallaavigalugit KNI A/S nioqqutissanik pisiniarfimmi tuniniarneqartartussanik allanik toqqaasarpoq. KNI A/S ilisimatitsivoq ukiap ingerlanerani nioqqutigisartakkaminik ingerlatseqatigiiffik nalinginnaasumik naleqqussaasimasoq, taamaasiornikkut nioqqutissat tunngaviusumik piassanut ilaanngitsut tunineqarneq ajortut /tunineqarpiarneq ajortut pisiniarfinni nioqqutigineqartussaajunnaartut. Nioqqutissat nalinginnaasumik pisiarfeqarpiarneq ajortut eqqarsaatigalugit KNI ingerlaavartumik

naleqqussaasarpoq. Sullissinissamik isumaqatigiisummi piumasaqaataasut naammassineqarsimaneri Naalakkersuisunit ingerlaavartumik malinnaaffigineqarput.

Apeqquut 2. Upernavimmi pisiniarfituaq tassaavoq Pilersuisoq allanillu periarfissaqarnani, akitigut unammillernartoqarpoq, illoqarfinnut allanut sanilliullugu akit annertuumik qaffasinnerupput aamma naak taanna pisiniarfissatuaagaluartoq, pisiassat amerlassusaat ikiliniupput. Naalakkersuisut pisiassat amerlisarniarlugit pissutsit iluarsiiuginissaannut pilersaaruteqarpat?

Akissut: KNI A/S nuna tamakkerlugu assigiimmik akeqartitsivoq illoqarfiillu aamma nunaqarfiit ataasiakkaat akornanni assigiinngitsunik akeqartitsineq ajorluni. Ingerlatsinerli pitsaanerpaatinniarlugu najukkani ataasiakkaani assigiinngitsunik akikillisaqarsinnaasarpoq. Nioqqutissat nutaat, soorlu naatsitat timmisartumik nassiunneqartartut aningaasartuutaasimasut naapertorlugit akii assigiinngisitaarsinnaasarput.

Apeqquut 3. Naalakkersuisut pissutsit iluarsiiugininnaanngippagit, suut aporfiuppat?

Akissut: Upernavimmut nunaqarfiinullu pilersuineq eqqarsaatigalugu Naalakkersuisut ileqqaarniaqqusisimanngillat. Upernaviup eqqaani nioqqutissat tunngaviusumik pigineqartussat qulakkeerniarlugit sullissinissamik isumaqatigiissuteqarfigisat ilaagaa, tassani KNI ingerlatseqatigiiffittut namminersortutut pilersueriaasissat nammineq aqqissuuttarpai nioqqutissat amerlanerusut pigineqarnissaanut apeqquut ilanngullugu. Namminersorlutik Oqartussat KNI A/S-imik ingerlaavartumik ataatsimeeqateqartarput, taamaasiornikkullu sullissinissamik isumaqatigiisummi piumasaqaataasut malinneqarneri qulakkeertarlugit. Soorlu Naalakkersuisunit siusinnerusukkut oqaatigineqareersimasoq Kalaallit Nunaani nioqqutissat akii innuttaasunut iluaqutaasussamik tamakkiisumik akikinnerusinnaaneri kissaatiginaraluarpoq. Anguniagaq tamanna oqitsuinnaanngilaq, tassa assartuinnermi, uninngasuuteqarnermi kingusinnerusukkullu igitsisariaqarnermi aningaasartuutaasartut tassani pineqarmata.

Apeqquut 4: Naalakkersuisut sineriammi avinngarusimasut nunaqarfiillu sipaarniarfiginiarfigivaat?

Akissut: Sineriammi ileqqaarniarartoqarnissaa Naalakkersuisut kissaatigisarinngilaat nunatsinnilu innuttaasut sumiluunniit najugaqaralarunik assigiimmik pineqarnissaat pingaartitalarugu. KNI A/S eqqarsaatigalugu pitsaanerusumik ingerlatseriaasissamik suliaqaleruttorput, taamaaliornikkut sianerissami pilersuineq aalajaatsumik ingerlattuarneqarnissaa anguniarneqarpoq, tamatumalu saniatigut illoqarfinnut nuuttarnerit pisut kiisalu niuernerit annikinnerusuniittut tunngavigalugit niuernerq naleqqussarneqartarluni.

**Apequt 5: Naalakkersuisut Pilersuisoq pillugu paasissutissanik allanik
ilisimatitsissutissaqarpat?**

Akissut: Naamik.

Inussiarnersumik inuulluaqqusillunga



Jens-Frederik Nielsen
Naalakkersuisut Siulittaasuat